



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU STRANKE ZA BOSNU I HERCEGOVINU

Broj: 03-07-6-337/14
Sarajevo, 21. jul 2015. godine

SADRŽAJ

| | |
|---|----|
| MIŠLJENJE REVIZORA | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 5 |
| Predmet pregleda i kontrole | 5 |
| Cilj pregleda i kontrole | 5 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE | 5 |
| 5.1. NALAZI | 5 |
| 5.2. PREPORUKE | 10 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke za Bosnu i Hercegovinu za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Stranka za Bosnu i Hercegovinu prekršila odredbe člana 4. stav (1), člana 5. stav (4), člana 6. stav (2), člana 8. stav (1), člana 11. i člana 12. stav (1), stav (3) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke za Bosnu i Hercegovinu za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka za Bosnu i Hercegovinu se finansirala iz sljedećih izvora:

| Red. br. | Vrsta prihoda | Iznos u KM | Učešće u uk. prih. % |
|-----------|--------------------------------------|-------------------|----------------------|
| 1 | Članarina | 22.298,55 | 2,48% |
| 2 | Prilozi fizičkih lica (3-a) | 17.196,76 | 1,91% |
| 3 | Prilozi pravnih lica (3-b) | 100,00 | 0,01% |
| 4 | Prihodi od imovine (3-c) | 184,24 | 0,02% |
| 5 | Prihodi od pr.lica (3-d) | 0,00 | 0,00% |
| 6 | Prihodi od poklona (3-e) | 850,00 | 0,09% |
| 7 | Prihodi iz budžeta (3-f) | 852.501,81 | 94,92% |
| 8 | Prihodi od propagande (3-g) | 0,00 | 0,00% |
| 9 | Ostali prihodi | 0,00 | 0,00% |
| I | Ukupni prihodi | 893.131,36 | 99,44% |
| II | Kreditno zaduženje kod banaka | 5.002,59 | 0,56% |
| | Izvori finansiranja (I+II) | 898.133,95 | 100,00% |

U godišnjem finansijskom izvještaju stranka je iskazala ukupne rashode u iznosu od 1.030.476,65 KM.

2. PREDSTAVLJANJE POLITIČKE STRANKE

Naziv političke stranke: Stranka za Bosnu i Hercegovinu. Skraćeni naziv stranke: SBiH.

Stranka za Bosnu i Hercegovinu je upisana u registar političkih organizacija kod Višeg suda u Sarajevu, rješenjem broj: R-I-2/96 od 25.04.1996. godine.

Sjedište političke stranke je u Sarajevu, Trg Fra Grge Martića 2/II.

Lica ovlaštena za zastupanje stranke su Haris Silajdžić, predsjednik i Amer Jerlagić, ovlašteno lice predsjednika.

Lice ovlašteno za podnošenje finansijskih izvještaja za 2013. godinu je Salem Halilović.

Prema podacima iz godišnjeg finansijskog izvještaja za 2013. godinu, Stranka za Bosnu i Hercegovinu ima sljedeću organizacionu strukturu:

- Centrala,
- 9 kantonalnih vijeća,
- Gradski odbor Mostar,
- 71 općinski savjet/odbor,
- Klub poslanika SBiH FBiH,
- Klub poslanika SBiH BiH i
- Fondacija SBiH.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke za Bosnu i Hercegovinu za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke za Bosnu i Hercegovinu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Revizija i pregled finansijskih izvještaja Stranke za Bosnu i Hercegovinu vršeni su u periodu od 2005. do 2012. godine, nakon kojih su izdati izvještaji o reviziji, odnosno izvještaji o pregledu sa mišljenjem revizora, nalazima i preporukama revizije.

Nakon izvršene revizije finansijskih izvještaja za 2012. godinu, Služba za reviziju je izdala Izvještaj o reviziji sa mišljenjem revizora, nalazima revizije i preporukama stranci da u finansijskom izvještaju prijavljuje sve priloge, da se ne finansira iz izvora koji su zabranjeni, da vodi potpune evidencije o svojim prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka. Stranci je, takođe, preporučeno da prihode i rashode priznaje u momentu njihovog nastanka, da definiše postupke i procedure internih kontrola vezanih za proces trošenja finansijskih sredstava, da poštuje i druge propise, prevashodno poreske, da vrši godišnji popis imovine i obaveza i da uredi poslovanje blagajne.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Stranka za Bosnu i Hercegovinu nije ispoštovala ranije date preporuke.

5. NALAZI I PREPORUKE

5.1. NALAZI

a) **Stranka za Bosnu i Hercegovinu prekršila je odredbu člana 4. stav (1) Zakona o finansiranju političkih stranaka.**¹

Stranka za Bosnu i Hercegovinu je Centralnoj izbornoj komisiji Bosne i Hercegovine dostavila Program utroška sredstava Centrale Stranke za Bosnu i Hercegovinu za 2013. godinu.

Dana 04.06.2015. godine, Centralna izborna komisija Bosne i Hercegovine je uputila zahtjev stranci da dostavi Program utroška sredstava Stranke za Bosnu i Hercegovinu za 2013. godinu, u skladu sa kojim je stranka imala obavezu da troši finansijska sredstva.

¹ Finansijska sredstva iz člana 3. stav (1) Zakona o finansiranju političkih stranaka, političke stranke mogu koristiti isključivo za ostvarivanje ciljeva utvrđenih svojim programom i statutom.

Stranka za Bosnu i Hercegovinu je uz očitovanje na Preliminarni izvještaj o pregledu godišnjeg finansijskog izvještaj dostavila program utroška sredstava Vijeća Stranke za Bosnu i Hercegovinu Brčko Distrikt BiH.

Obzirom da stranka do momenta izdavanja konačnog izvještaja nije dostavila program utroška sredstava na nivou stranke, smatramo da isti nije ni sačinila, te da je sredstva trošila mimo programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

b) Stranka je prekršila odredbe člana 5. stav (4) i člana 6. stav (2) Zakona o finansiranju političkih stranaka.

(1) Pregledom je utvrđeno da stranka nije u poslovnim knjigama evidentirala nenovčane donacije po osnovu besplatnog korištenja poslovnih prostora, čime su prekršene odredbe člana 5. stav (4) Zakona o finansiranju političkih stranaka.

- Stranka za Bosnu i Hercegovinu je na osnovu Odluke Općinskog vijeća Općine Bosanska Krupa, broj: 01-V-02-3476-11-1/09 od 17.11.2009. godine, koristila prostorije ove općine.
- Općinski odbor SBiH Gradačac je na osnovu Odluke Općinskog vijeća o davanju na korištenje poslovnih prostorija, broj: 01-05-162/13 od 29.05.2013. godine, koristio prostor Općine Gradačac, površine 40,00 m², bez naknade.
- Na osnovu podataka koje je dostavila Općina Fojnica, utvrđeno je da je Stranka za Bosnu i Hercegovinu na osnovu Odluke o dodjeli na korištenje poslovnih prostorija, broj: 01-05-658-2/02 od 31.12.2002. godine, koristila prostorije ove općine, površine 26,00 m².
- Općinski odbor SBiH Jablanica je na osnovu Ugovora o korištenju poslovne prostorije broj: 01-25-4-626-2/13 od 10.05.2013. godine, bez plaćanja zakupnine, koristio kancelariju površine 21,15 m² u vlasništvu Općine Jablanica.
- Općinski odbor SBiH Novo Sarajevo je bez plaćanja zakupnine koristio poslovni prostor površine 34,45 m² u vlasništvu Općine Novo Sarajevo.
- Općinski odbor SBiH Ključ je na osnovu Ugovora o korištenju prostora II diletacije Doma kulture sa Udruženjem građana „Ključki biseri“ iz Ključa, koristio prostorije Doma kulture, površine 52,15 m². Prema podacima koje je dostavila Općina Ključ, prostorije koje koriste političke stranke su u vlasništvu ove općine, te su dodijeljene Udruženju građana „Ključki biseri“ iz Ključa na upravljanje.²
- Stranka za Bosnu i Hercegovinu je na osnovu rješenja Općinskog načelnika Općine Visoko, koristila bez naknade poslovni prostor površine 45 m², uz obavezu tekućeg održavanja i plaćanja komunalija (grijanje, voda, električna energija).³

Stranka za Bosnu i Hercegovinu je korištenjem poslovnih prostora u vlasništvu pravnih lica, bez plaćanja zakupnine, primila nenovčane donacije, koje je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2013. godinu.

(2) Kontrolom dokumentacije koju su dostavili Centrala stranke, KV SBiH Tuzla i OS SBiH Kakanj, utvrđeno je da stranka licima koja su stranci dala priloge nije izdala potvrde u skladu sa članom 6. stav (1) Pravilnika, čime je prekršila odredbe člana 5. stav (4) Zakona o finansiranju

² Akt Općine Ključ broj: 06-49-822/14 od 19.03.2014. godine.

³ Stranka je dana 25.09.2014. godine dostavila kopiju rješenja Općine Visoko.

političkih stranaka.⁴ Takođe je utvrđeno da svi prilozi fizičkih lica nisu uplaćeni na transakcijski račun centrale stranke, što je suprotno odredbi člana 6. stav (2) Zakona o finansiranju političkih stranaka

c) Stranka za Bosnu i Hercegovinu prekršila je odredbu člana 8. stav (1) Zakona o finansiranju političkih stranaka.

Na osnovu podataka koje je dostavila Opština Brod⁵, utvrđeno je da je Opštinski odbor SBiH Brod tokom 2013. godine koristio poslovni prostor u vlasništvu Opštine Brod, površine 13 m², bespravno.

Korištenjem poslovnog prostora u vlasništvu Opštine Brod bez naknade i rješenja opštinskog organa, Stranka za Bosnu i Hercegovinu je primila nenovčanu donaciju, koja je zabranjena članom 8. stav (1) Zakona o finansiranju političkih stranaka.⁶

d) Stranka za Bosnu i Hercegovinu prekršila je odredbe člana 11. i člana 12. stav (1), stav (3) i stav (4) Zakona o finansiranju političkih stranaka.

Na osnovu obavljenog pregleda, utvrđeno je da Stranka za Bosnu i Hercegovinu nije pravilno evidentirala rashode i obaveze u poslovnim knjigama, čime je prekršila odredbe člana 11. i člana 12. stav (1) Zakona o finansiranju političkih stranaka. Obzirom da je finansijske izvještaje sačinila na osnovu nepotpunih evidencija, stranka je prekršila odredbe člana 12. stav (3) Zakona o finansiranju političkih stranaka i Pravilnika o godišnjim finansijskim izvještajima političkih stranaka-u daljem tekstu: Pravilnik. Stranka za Bosnu i Hercegovinu nije u skladu sa zahtjevom Centralne izborne komisije Bosne i Hercegovine dostavila dodatnu dokumentaciju, što je suprotno odredbama člana 12. stav (4) Zakona o finansiranju političkih stranaka.

(1) Stranka za Bosnu i Hercegovinu nije u obrascu 2 (pregled prometa svih transakcijskih računa političke stranke) iskazala promet ostvaren putem transakcijskog računa Općinskog savjeta SBiH Odžak, čime je prekršila odredbe člana 11. Pravilnika.

Stranka je u obrascu 2 iskazala sljedeće podatke o prometu ostvarenom putem transakcijskog računa Općinskog savjeta SBiH Odžak: početno stanje u iznosu od 950,00 KM, ukupan promet ulaza u iznosu od 10.880,00 KM, ukupan promet izlaza u iznosu od 11.352,00 KM i saldo na dan 31.12.2013. godine u iznosu od 478,00 KM. Kontrolom izvoda sa transakcijskog računa, utvrđeno je da je početno stanje iznosilo 949,55 KM, ukupan promet ulaza 12.580,20 KM, ukupan promet izlaza 13.051,40 KM i saldo na dan 31.12.2013. godine u iznosu od 478,35 KM.

(2) Kontrolom je utvrđeno da Stranka za Bosnu i Hercegovinu nije u obrascu 2.1 (pregled stanja blagajne) pravilno iskazala početno stanje i promet ulaza ostvaren putem blagajne Centrale stranke, čime su prekršene odredbe člana 12. Pravilnika.

Uvidom u poslovne knjige Centrale SBiH, utvrđeno je da je početno stanje na dan 01.01.2013. godine iznosilo 6,40 KM, a ukupan promet ulaza 22.390,00 KM. Stranka je, međutim, u obrascu 2.1 godišnjeg finansijskog izvještaja iskazala početno stanje u iznosu od 18,56 KM, odnosno ukupan promet ulaza u iznosu od 22.377,84 KM

⁴ Političke stranke dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj stranci uplaćuje članarinu i dobrovoljne priloge neposredno na transakcijski račun političke stranke najkasnije u roku od 10 dana od dana prijema uplate.

⁵ Akt broj: 05-03-3/14 od 26.03.2014. godine.

⁶ Članom 8. stav (2) Zakona propisano je da se zabrana finansiranja političkih stranaka od strane opštinskih organa iz stava (1) istog člana, ne odnosi na korištenje poslovnih prostora koje političke stranke koriste na osnovu odluke nadležnog organa.

- (3) Služba za reviziju je utvrdila da podaci o ukupnim prihodima i ukupnim rashodima Stranke za Bosnu i Hercegovinu iskazani u godišnjem finansijskom izvještaju ne odgovaraju podacima koje je stranka iskazala u Zbirnom Bilansu uspjeha za period 01.01-31.12.2013. godine. Stranka za Bosnu i Hercegovinu je u Zbirnom Bilansu uspjeha za period 01.01-31.12.2013. godine iskazala ukupne prihode u iznosu od 995.046,00 KM, dok je u godišnjem finansijskom izvještaju, koji je dostavila Centralnoj izbornoj komisiji Bosne i Hercegovine, iskazala ukupne prihode u iznosu od 893.131,36 KM. Prema podacima iz godišnjeg finansijskog izvještaja, ukupni rashodi stranke iznosili su 1.030.476,65 KM, dok je stranka u Zbirnom Bilansu uspjeha za period 01.01-31.12.2013. godine iskazala ukupne rashode u iznosu od 1.025.342,00 KM.
- (4) Uvidom u Ugovor o pozajmici od 17.04.2013. godine, utvrđeno je da je Kantonalno vijeće SBiH Travnik u 2013. godinu primilo pozajmicu od fizičkog lica u iznosu od 5.000,00 KM. Stranka je pozajmicu fizičkog lica iskazala u obrascu 3 (izvori finansiranja političkih stranaka) godišnjeg finansijskog izvještaja kao kreditno zaduženje političke stranke kod banaka, što je suprotno odredbama člana 13. Pravilnika.
- (5) Pregledom je utvrđeno da Stranka za Bosnu i Hercegovinu u finansijskom izvještaju nije iskazala ostale prihode Centrale SBiH, čime je ukupne prihode iskazala u manjem iznosu za 26.935,84 KM. Uvidom u poslovne knjige, utvrđeno je da je Centrala SBiH ostvarila prihode po osnovu refundacije bolovanja, naplate štete i dobitka po osnovu prodaje vozila u ukupnom iznosu od 26.935,84 KM.
- (6) Pregledom je utvrđeno da Stranka za Bosnu i Hercegovinu nije u godišnjem finansijskom izvještaju pravilno iskazala prihode iz budžeta, čime je prekršila odredbe člana 13. i 19. Pravilnika.
- Stranka za Bosnu i Hercegovinu je u obrascu 3-f (prihodi iz budžeta) iskazala prihode Centrale SBiH iz budžeta Bosne i Hercegovine u iznosu 26.775,00 KM. Uvidom u izvode sa transakcijskog računa, utvrđeno je da je Centrala SBiH iz budžeta Bosne i Hercegovine primila sredstva u iznosu od 29.675,00 KM.⁷ Takođe je utvrđeno da je stranka interni prenos sredstava iskazala kao prihod Centrale SBiH iz budžeta u iznosu od 4.509,68 KM, što je suprotno odredbi člana 13. stav (5) Pravilnika.⁸
 - Na osnovu podataka koje je dostavila Opština Modriča, utvrđeno je da su sredstva iz budžeta ove opštine u iznosu od 227,62 KM uplaćena na transakcijski račun Općinskog savjeta SBiH Modriča. Stranka za Bosnu i Hercegovinu nije u godišnjem finansijskom izvještaju iskazala prihode iz budžeta Opštine Modriča.
Stranka za Bosnu i Hercegovinu nije u obrascu 2 iskazala promet ostvaren putem transakcijskog računa Općinskog savjeta SBiH Modriča, iako su na isti uplaćena sredstva iz budžeta Opštine Modriča, čime su prekršene odredbe člana 11. Pravilnika.
 - Na osnovu podataka koje je dostavila Općina Fojnica, utvrđeno je da su Stranci za Bosnu i Hercegovinu u 2013. godini iz budžeta ove općine uplaćena sredstva u iznosu od 1.800,00 KM. Stranka je, međutim, u obrascu 3-f iskazala prihode iz budžeta Općine Fojnica u iznosu 1.379,53 KM.
 - Stranka za Bosnu i Hercegovinu nije u obrascu 3-f iskazala podatke o prihodima iz budžeta Opštine Čajniče u iznosu od 193,86 KM. Uvidom u izvode sa transakcijskog računa KV SBiH

⁷ Centrala SBiH je uplatu iz budžeta Bosne i Hercegovine u iznosu od 2.900,00 KM u poslovnim knjigama evidentirala kao prihode od odbora, i iste nije iskazala u godišnjem finansijskom izvještaju.

⁸ Sredstva je uplatio OS Brčko Distrikt.

Goražde, utvrđeno je da su na ovaj transakcijski račun tokom 2013. godine iz budžeta Opštine Čajniče uplaćena sredstva u iznosu od 193,86 KM.

(7) Kontrolom je utvrđeno da je Stranka za Bosnu i Hercegovinu nenovčanu donaciju pravnog lica „B-Panel“ d.o.o. Zenica u iznosu od 100,00 KM iskazala u obrascu 3-b (prilog pravnog lica), čime je prekršila odredbe člana 13., 15. i 18. Pravilnika.

(8) Pregledom je utvrđeno da je Kantonalno vijeće SBiH Goražde isplatilo dnevnice posmatračima u ukupnom iznosu od 1.860,00 KM, te naknadu sekretaru u iznosu od 350,00 KM. Uvidom u izvode sa transakcijskog računa i dnevnik blagajne, utvrđeno je da Kantonalno vijeće SBiH Goražde nije izvršilo obračun i plaćanje poreza i doprinosa na sredstva isplaćena fizičkim licima.

Obzirom da stranka nije obračunala niti uplatila porez na dohodak i doprinose na sredstva isplaćena fizičkim licima, troškovi i obaveze po ovom osnovu nisu evidentirani u poslovnim knjigama niti iskazani u godišnjem finansijskom izvještaju.

(9) Stranka za Bosnu i Hercegovinu nije pravilno iskazala rashode Općinskog savjeta SBiH Odžak u obrascima 4.1 (režijsko-administrativni i ostali troškovi) i 4.2 (troškovi propagande), čime je prekršila odredbe člana 21., 22. i 23. Pravilnika.

- Prema podacima iz Bruto bilansa, ukupni rashodi Općinskog savjeta SBiH Odžak iznosili su 12.239,44 KM, dok je stranka u godišnjem finansijskom izvještaju iskazala rashode u iznosu od 11.352,00 KM.⁹

- Pregledom je utvrđeno da je Općinski savjet SBiH Odžak isplatio volonteru naknadu za rad u ukupnom iznosu od 3.800,00 KM, te topli obrok, prevoz i regres u iznosu od 900,00 KM, odnosno ukupno 4.700,00 KM. Uvidom u izvode sa transakcijskog računa i Bruto bilans, utvrđeno je da Općinski savjet SBiH Odžak nije obračunao i platio porez na dohodak i doprinose na sredstva isplaćena fizičkom licu (volonteru).

Obzirom da stranka nije obračunala, niti uplatila porez na dohodak i doprinose na sredstva isplaćena fizičkom licu, troškovi i obaveze po ovom osnovu nisu evidentirani u poslovnim knjigama niti iskazani u godišnjem finansijskom izvještaju.

- Osim navedenog, uvidom u Bruto bilans Općinskog savjeta SBiH Odžak, utvrđeno je da je stranka pozajmicu fizičkog lica u iznosu od 1.700,00 KM iskazala kao prihode, što je suprotno računovodstvenim propisima.

(10) Pregledom je utvrđeno da je Stranka za Bosnu i Hercegovinu u godišnjem finansijskom izvještaju iskazala troškove zakupa poslovnih prostora u manjem iznosu u odnosu na ugovorene cijene zakupa za sljedeće organizacione dijelove: OS Donji Vakuf u iznosu od 800,00 KM, KV Goražde u iznosu od 695,11 KM¹⁰, OS Konjic u iznosu od 1.187,34 KM, KV i OS Zenica u iznosu od 1.143,62 KM¹¹, OS Banovići u iznosu od 568,08 KM, OS Maglaj u iznosu od 900,00 KM, OS Teočak u iznosu od 485,00 KM i OS Živinice u iznosu od 697,60 KM.

Uvidom u obrasce 4.1 godišnjeg finansijskog izvještaja, utvrđeno je da stranka nije iskazala troškove zakupa poslovnih prostora za sljedeće organizacione dijelove: OS Teslić u iznosu od 160,44 KM, OS Kakanj u iznosu od 2.692,87 KM, OS Bužim u iznosu od 1.800,00 KM, OS Srebrenik u iznosu od 1.800,00 KM i OS Gračanica u iznosu od 1.680,00 KM.

⁹ Stranka je u obrascu 4.1 iskazala rashode ovog odbora u iznosu od 9.319,00 KM, a u obrascu 4.2 troškove propagande u iznosu od 2.033,00 KM.

¹⁰ Stranka je u obrascu 4.1 KV Goražde iskazala troškove zakupa u iznosu od 63,05 KM.

¹¹ Godišnja zakupnina za prostorije koje koriste KV i OS Zenica iznosi 14.082,12 KM. OS Zenica je obrascu 4.1 iskazao troškove zakupa u iznosu od 8.244,50 KM, a KV Zenica troškove u iznosu od 4.694,00 KM, odnosno ukupno 12.938,50 KM.

Obzirom da Stranka za Bosnu i Hercegovinu nije pravilno iskazala rashode u obrascima 4.1 (režijsko-administrativni i ostali troškovi) i 4 (ukupni rashodi) godišnjeg finansijskog izvještaja, prekršene su odredbe člana 21. i 22. Pravilnika.

Stranka za Bosnu i Hercegovinu, takođe, nije u obrascu 5 (obaveze političke stranke) godišnjeg finansijskog izvještaja pravilno iskazala obaveze prema zakupodavcima poslovnih prostora koje su koristili navedeni odbori, što je suprotno odredbama člana 24. Pravilnika.

- (11) Dana 04.06.2015. godine, Centralna izborna komisija Bosne i Hercegovine je Stranci za Bosnu i Hercegovinu uputila Zahtjev za dostavljanje dodatne dokumentacije za 2013. godinu¹², kojim je od stranke zatraženo da dostavi: dokumentaciju o ostalim prihodima Centrale SBiH u iznosu od 5.438,16 KM, a odnose se na usaglašavanje, dokumentaciju o prilogima pravnih lica koji su iskazani na obrascu 3-b Općinskog savjeta SBiH Srebrenica, dokumentaciju o nenovčanim donacijama OS SBiH Ilijaš i Program utroška sredstava Stranke za Bosnu i Hercegovinu u 2013. godini.¹³

Obzirom da stranka nije postupila u skladu sa zahtjevom Centralne izborne komisije Bosne i Hercegovine, odnosno nije dostavila cjelokupnu dokumentaciju koja je od nje zatražena, prekršila je odredbe člana 12. stav (4) Zakona o finansiranju političkih stranaka.

5.2. PREPORUKE

Preporučuje se Stranci za Bosnu i Hercegovinu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da, u skladu sa odredbama člana 4. stav (1) ovog Zakona, sredstva troši u skladu sa programom utroška sredstava,***
- ***da vodi evidencije o prijemljenim prilogima i izdaje potvrde o prijemu priloga,***
- ***da se, u skladu sa članom 6. stav (2) Zakona, dobrovoljni prilozi u novcu uplaćuju na transakcijski račun centrale političke stranke,***
- ***da se ne finansira iz izvora koji su zabranjeni ovim Zakonom,***
- ***da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima,***
- ***da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***
- ***da dostavlja dodatnu dokumentaciju koju od nje zatraži Centralna izborna komisija Bosne i Hercegovine.***

Takođe se preporučuje:

- ***da poštuje i druge propise, prevashodno poreske, iz kojih proističu dodatne obaveze i troškovi,***
i
- ***da uspostavi pravilne evidencije o uplatama članarina i priloga u skladu sa internim aktima stranke.***¹⁴

¹² Zahtjev broj: 03-07-6-337-31/14.

¹³ Stranka za Bosnu i Hercegovinu je dostavila program utroška sredstava Centrale SBiH u 2013. godini, ali nije dostavila Program utroška sredstava Stranke za Bosnu i Hercegovinu u 2013. godini u cjelini. Takođe, stranka je uz odgovor na Preliminarni izvještaj o pregledu godišnjeg finansijskog izvještaja za 2013. godinu dostavila program utroška sredstava Vijeća Stranke za Bosnu i Hercegovinu Brčko Distrikt BiH.

¹⁴ KV SBiH Tuzla je sve priloge i članarine u iznosu od 600,00 KM, koji su uplaćeni u blagajnu stranke, u godišnjem finansijskom izvještaju iskazao kao prihode od članarine, što je suprotno Odluci o utvrđivanju visine naknade i članarina za

KOMENTAR:

U ostavljenom roku, Stranka za Bosnu i Hercegovinu dostavila je očitovanje na Preliminarni izvještaj o pregledu godišnjeg finansijskog izvještaja za 2013. godinu u kojem je navela razlog zbog kojeg je došlo do različitog iskazivanja ukupnih prihoda i rashoda u finansijskom izvještaju koji je dostavljen Centralnoj izbornoj komisiji Bosne i Hercegovine i Godišnjem obračunu koji je dostavljen Agenciji za finansijske, informatičke i posredničke usluge d.d. Stranka je, takođe, istakla da će u narednom periodu nastojati da postupi u skladu sa preporukama revizije. Osim navedenog, stranka je dostavila primjedbe koje je uputio Općinski savjet SBiH Kakanj u vezi sa izdavanjem potvrda licima koja su donirala novčana sredstva ovom odboru. Imajući u vidu odredbe člana 5. stav (4) Zakona o finansiranju političkih stranaka, Služba za reviziju nije uvažila primjedbe Općinskog savjeta SBiH Kakanj.

Služba za reviziju je utvrdila da dobrovoljni prilozi fizičkih lica nisu uplaćeni na transakcijski račun centrale stranke, čime je prekršena odredba člana 6. stav (2) Zakona o finansiranju političkih stranaka, što je u formi nalaza ugrađeno u Izvještaj o pregledu godišnjeg finansijskog izvještaja za 2013. godinu.

šef Odsjeka za revizijske poslove, revizor

Sanja Tošović

šef Službe za reviziju

mr.sc Hasida Gušić